

txoritxoari mokoka

Harritzeko gutxi

Prestige ontziko galipotaren arrastoak inguruotako kostaldere ere heldu direla jakin berritan ikusi genuen Mariano Raxoi La2n, zuzenean, Madrilgo gobernuaren ize-nean Galiziako egoerari buruzko kontuak oposizioko ordezkarien aurrean ematen. Istripua gertatu zenetik beren aldeko hedabideetan gaiari buruz esan direnak besterik ez zuen aipatu gizonak, beste hainbat mediok plazaratutako albiste asko inoiz izan ez balira bezala. Gertatutakoa ez omen da hainbesterakoa; hala ere, dirulaguntza sistema bat abian jarriko omen dute. Istripua



J.J. GUILLEN / EFE
Mariano Raxoi Espainiako presidenteordea.

gertatu eta hiru astera, nonbait, oraindik ez dute halako planik abiarazi, eta gu orbanekin ametsetan gabiltza. Eta ostegun arratseko ordu haietan, petroliontziazen barrenek isuririk ez omen zuten. Raxoik inoiz kale egiten ez duen aitaren rolean galdera bakarrari ere ez erantzuteko ahalegina zuritu bitartean, baina, BBC katea ur azpiko fuel-olio hari etengabeen irudiak ematen hasi zen. *Prestige*-ren egoera aztertzen dabilztan urpekoen konfidentziasuna exijitu duen gobernuak ez du behar bezala lotu bere propaganda plana, nonbait. Eta irudiok Erresuma Batuko kate publikoak zabaldu ditu, ez Espainiakok. Ematen duenez, inor ez da harritu.

Amagoia Iban

LABURAREN

Haurrentzako Irrati eta Telebistaren Nazioarteko Eguna ospatuko du bihar Unicefek

Mundu osoko 2.000 irrati eta telebistak hartuko dute parte bihar Unicefek antolatutako Haurrentzako Irrati eta Telebistaren Egunean. «Aukera ona izango da haurrek munduaz duten ikuspegi eman dezaten», adierazi zuen atzo Unicefek. Haurren eskubideen gainean herrialde gehienek onartutako agiria gogoratu nahi du Unicefek. «Haurrek adierazpen askatasuna dute, eta informazioa jaso eta emateko eskubidea dute hedabideetan», dio agirian.

La2ko 'Parlamento' saioak Nafarroa bisitatuko du gaur goizean

Nafarroako Legebiltzarreko egoitzaren inaugurazioaren berri emango dute gaur 11:00etan La2ko *Parlamento* saioan. Miguel Sanz eta Jose Luis Castejonen adierazpen instituzionalak jasoko dituzte. Era berean, eztabaida bat egingen dute Jaime Ignacio del Burgo (UPN), Carlos Chivite (PSN) eta Isabel Argonies (IU) politikariek. Nafarroarekin lotutako hiru erreportaiak osatuko dute saioa.

Gorka Zubeldia euskal aktoreak A3ko 'Código de fuego' telesailan jardungo du

Suhiltzaileei buruzko telesail bat grabatzen hasi dira A3 kate pribaturako. Zuzendaria Miguel Angel Diez eta Eva Lesmes dira, eta aktore protagonistak Jose Coronado eta Maribel Verdu. Gainerako aktoreen artean, Gorka Zubeldia dago, duela hilabete batzuk ETBko *Goenkale* telesailan lanean aritutako gaztea.

ETB1. Hogei urteotako saio esanguratsuenei begiratu bat emango diete gaurtik aurrera



EGUNKARIA
SAIOETAKO IRUDIAK. ETBn urteotako hainbat emanaldi gogoratuko dituzte datozen egunetan: *Funtzioa*, *Hau ez da A.U.* umorezko saioa, Lazkao Txikiren marrazki bizidunak, Bai Euskarari jaialdia eta abar.

Oroimena astinduz

Joxe Mari Iriondok aukeratutako saio aipagarrienak aurkeztuko ditu datozen asteetan Edurne Ormazabalek, 'ETB 20 urte' saioan

Urtzi Urkizu | DONOSTIA

Abenduaren 31an 20 urte beteko dira ETB1ek bere emisioak hasi zuenetik. Urtebetetzea ospatzeko, euskarazko telebistan izan diren saio esanguratsuen errepasoa egingo dute. Edurne Ormazabalek astelehene ostiralera aurkeztuko du *ETB 20 urte* saioa (16:30ean). Dena dela, emanaldi bereziak ikusteko aukera izango da aste-

buruetan. Hala, gaur gaueko 01:00etan *Ikuska* saioa emitituko dute. Eta bihar arratsaldeko 14:40ean, bertsolaritzaren historiaren gaineko *Hitzak egin gaitu* ikuskizuna berreskuratuko dute.

Programako irudien aukeraketa EITB taldeko baterano bategin du: Joxe Mari Iriondok. Bere esanetan «irudien aukeraketa beste bat izan zitekeen, askoz zabalagoa, baina aukeratu

beharra zegoen». Iriondok dienez saioa ikus-entzuleen gustukoa izanen da. «Guztiok nola aldatu garen ikusteko aukera paregabea izango da hau, batez ere ETB nola aldatu den. Hasierako saio eta emanaldietatik, denak ere, munduko maitasun eta gogo handienekin baina baliabide tekniko urriekin eginak, azken ekoizpenetara jauzi handia dago» adierazi du programako arduradunak.

SAIOEN ZERARENDA

- **2002-12-07:** 'Ikuska' saioa.
- **2002-12-08:** 'Hitzak egin gaitu' saioa. Bertsolaritzaren lehendabiziko albiste-gietatik hasita Lazkao Txiki bitarterainoko efemerideak.
- **2002-12-09:** Joxe Migel Barandiarani buruzko dokumentala.
- **2002-12-10:** Bai Euskarari jaialdia (1998).
- **2002-12-11:** Athleticek 1984. urtean Liga irabazi ondoren jaso zuen ongietorria. 'Bi eta bat' telesaila 26. atala: 'Berebiziko aukera'.
- **2002-12-12:** 'Marraskil Bos eta Pantxineta'. 'Ispiluan': Basarri bertsolariari eskainitako atala.
- **2002-12-13:** 'Flemingo berria': 10. atala. Eibarko Armagintzari buruzko dokumentala.
- **2002-12-16:** 'Funtzioa' saioa 22. atala. 'A ze para': 13. atala.
- **2002-12-17:** 'Azken almadierok'. 'Fernando Amezketa' marrazkiak.
- **2002-12-18:** 'Uhaitzaundi ibaia'. 'Komikiaren historia'. 'Lazkao txiki': 18. atala.
- **2002-12-19:** 'Don Don Kikilikon'. 'Gure Hirien itzala'.
- **2002-12-20:** 'Zabalaga, Aztiaren lortegia'. 'Txokolatex' umorezko saioaren bederatzigarren atala.
- **2002-12-23:** 'Jaun eta jabe' telesailaren 26. atala. 'Euskal pintore eta eskultoreak' dokumental saioa: A. Guirad.
- **2002-12-24:** 'Hau da A.U.' umorezko saioaren lehenengo atala. 'Euskal Herria: Lau haizeetara'. Gure lankideak gogoratu.
- **2002-12-26:** 'Ipar haizearen erronka': Bahiketa.
- **2002-12-27:** 'Arbolak mintzo'. Laugarren atala: Bizkarra. 'Euskal Herriko ontzigintza' dokumentala. 'Goenkale': 4. atala.
- **2002-12-30:** 'Urre Irrika'. Dantza eta abestiak desertuan. 'Euskaldunak munduan zehar'. Amerikanuak.
- **2002-12-31:** 'Ispiluan' saioa. 9. atala: Xabier Lete. 'Bertan zoro': 10. atala. 'Ameriketan euskaraz' dokumentala.